

臨清州志序



自倉頡作書制文字已肇
萬世作志之鼻祖矣由斯
以譚六經皆志也而不以
志名謂天地古今事物之
所陳者綜其全雖在聖哲

莫之能損益也故尊之曰
經經史志同出而異名不
相離也自班固纂十志曹
大家註補志嗣是歷代之
作志者如充棟而審所尚
大抵史簡而嚴志繁而寬

史必表之館閣志不藝夫
韋布昔關尹喜有云室中
有常見聞矣既而之門之
鄰之里之黨見聞各異既
而之州之山之川見聞又
各異信夫高之存金玉卑

之存瓦石形上形下皆道
皆器而猥以六經史記盡
之則是造物者寂甚矣故
一州一邑必有志歲壬子
之秋

俞旨修志

憲檄行州膺斯任也遵何
道而快愉常試度之天下
至大四海至廣計清源一
州不猶大塊中之一微塵
乎州有志不猶列星中之
一孤曜乎志有修不猶黃

鐘之奏之一細响乎不知
大塊者微塵之積列星者
孤曜之聚黃鐘者細响之
推也此固然其無足怪而
况清源由縣陞州地居
神京之臂勢扼九省之喉連城

則百貨萃止兩河而萬艘
安流或耕或商或游如織
如驚如歸旣鄒魯文學本
于天性復燕趙悲歌出自
慷慨懿哉若乃高阜長堤
橋梁塔寺諸景勝難以瑣

舉雖無名山之觀而亦匪
僻壤可比誠東南之一大
都會也披舊志修于明嘉
靖辛酉州孝廉元煥方公
筆也方善古文詞以字學
鳴天下跡其所編紀無愧

劉知幾三長之說矣顧事
不一手如錢糧正供也而
雜之於土產兵防戎政也
而牽之以武科空載羣書
之名槩曰藝文長言路氏
之譜無與獻徵甚之有不

必書而書者有當書而不
書者有既已書之矣而又
爲複說以書之者何多舛
也用是與州紳前刑科掌
印給事海若胡公偕衆紳
士而謀之而釐正之而博

採精求之自舊志迄今一
百一十三年之實錄務使
洞如秩如罔敢失墜上之
不負

朝廷之鉅典次之不負
憲臺之明訓中之不掩前

人之美誇示抑揚下之不
叢後人之疑以爲矜才好
議者口實斯志成而亦可
以無憾矣或曰志成俾司
牧者得觀覽焉歷考古來
循吏如龔黃召杜卓魯輩

績人人殊曾未聞以志書
爲衣鉢而收效於彘彘之
餘無亦唯是天地古今事
物之所陳者不可不詳也
雖然爲之者亦極難耳漢
司馬遷作史記班固譏之

班固作漢書范曄譏之范
曄作東漢書晁氏陳氏譏
之逮宋司馬光作資治通
鑑而胡文定又有舉要補
遺之作救其失州志一方
之書也不可同年而語第

以簿書下吏成於心手之
交才弗克荷聞見又寡不
有名世之筆削敢付良工而
刊垂

康熙十二年歲次癸丑五

臨清州志

序


八

月仲夏之吉

壬辰進士奉訓大夫知臨

清州事加二級三韓于睿

明君臨氏謹序



臨清州志序

肇自馬遷作史記叙
為天官八書而班固
則有十志嗣是後漢
晉隋以下諸書莫不
有志三國以志名而

臨清州志

序

一

獨無志畧也諸書之
志竒奧精博細大畢
該上以明天文下以
晰地理中以覽人事
攷制度之因革辯風
俗之貞淫悉物產而

任土作貢之義昭核
邊防而克詰戎兵之
道備理財出政孰畧
孰詳選舉任官疇得
疇失一代典章開卷
燦列而唐之岐陽杜

氏宋之夾漈鄭氏番
陽馮氏明之瓊臺丘
氏又總萃各朝掌故
為通典通志通考衍
義補使人居晚近而
識千古處一室而達

萬情直可甲乙數而
年月按皆志也則皆
史也志之有關於治
詎不大矣哉志為史
家一體而郡邑之有
志則凡自星野疆域

名條以外人物皆為
立傳雖一體而史體
寔全備焉近代惟范
文穆姑蘇康太史武
功徐文學會稽三志
最名簡當其他汗牛

充棟概未有聞蓋一
褒一貶榮辱昭垂操
筆者既鮮三長罕能
盡善亦憂之乎其難
之矣前歲余令狄道
時奉

昔有纂修志乘之舉郡
大夫不以余為鄙野
俾摭輯臨洮府志綱
羅放失舊聞博訪歷
詢取而折衷之編成
付梓一時當事者俱

謬編詳備康熙癸丑
之秋蒙

恩遷秩臨清甲寅二月

就道東行五十日抵
境受事而前任于侯
重修州志剗剗適成

臨清州志

序

五

余讀之而喟然曰有
是哉世變不同若江
河日下而長民者之
難易遂判天淵也由
後魏設縣以至于今
蓋不知幾廢興于其

間矣自開渠通運始
為要津故于其末城
也亟議城之于城之
末廣也亟議廣之陞
縣為州隸之兩邑稍
尊其秩以資彈壓方

是時譬草木之萌芽
而漸以壯盛也用是
漕艘飛輓以為咽喉
儲積庾廩以備倉卒
膏賈輻輳稅額充盈
數百年來未之有改

我國家德威遠屆一候尉
而混車書汶衛之交
流蓄洩無滯南北之
舟楫曉夜雲蒸百貨
湧溢列肆錯互揮汗

聯袂轂擊肩摩至止
其地者孰不指為歸
然重鎮畿南齊魯之
交一大都會爭而不
知賦以兼并迭亡日
加耗戶以冒伍充役

日加殘，何以逐末好
奢日加，敝郵符，蠹至
師旅旁，午供損，繹騷
調發恐，後覽城垣之
迢遞，計修築，以何施
視水際，之空倉，徒仰
屋其奚補，賴
各上臺，皆留心，民隱
疾苦是咨，而時值艱
難動多掣肘，有司支
吾進退，揀過不遑，其
能以休養生息，施之

閭閻而增其富庶乎
是以作是志者已寓
意于不言而續是志
者不禁總之厝火積
薪之慮也猶冀少需
歲月徐理亂絲政通

臨清州志

序

九

人和百廢具舉以無
得罪百姓者仰報
朝廷之委任此則余所
有志焉而未逮者也
若夫士好經術濶達
足智具載前史儒林